

137  
1938

# ქობობი

საქართველოს  
საბავშვო ჟურნალი

39



137-38

1938 წ.

№1

# ოქტომბრული

საბ. კ. კ. ც. კ-ის ზაზ. და საბ. ზანსაბკომის ერთდროული ორგანო

## შენაარსი

- ✓ 1. გიორგი ჟუიგინი, — ვივის ნატვრა (ლექსი) . . . . . 1
- ✓ 2. ლავა. ზიზინაძე, — ციგაომის ბრალი (მოთხრობა) . . . . . 2
- 3. ლადო. გენეპორკი, — თინიკოს ნატვრა (მოთხრობა) . . . . . 4
- 4. ზალდა თაბუკაჯედი, — ნაძვის ხე (ლექსი) . . . . . 6
- ✓ 5. გიორგი აბლაღაძე, — თამაზის ავტო (ლექსი) . . . . . 7
- 6. ხანდო. შლენდი, — ფიფქები (ლექსი) . . . . . 7
- ✓ 7. კოლიონ. შოკიაძე, — ჯემრთელი ექიმი (მოთხრობა) . . . . . 8
- 8. სიმონ. მგაბინი, — პატარა ცირას (ლექსი) . . . . . 10
- 9. შარიფან, — სამი გოჭი (ზღაპარი, თარგმანი) . . . . . 10
- 10. ლევან. ანანიაშვილი, — ბურთაობა (ლექსი) . . . . . 13
- 11. შ. შარატაშვილი, — გულადი ვია (მოთხრობა) . . . . . 14
- 12. ვახტ. პატარიაშვილი, — ზამთარი (ლექსი) . . . . . 16
- ✓ 13. ნინო. ნაპაშვილი, — ვინ ირჩია ძალღმა (ზღაპარი) . . . . . 17
- 14. ნუნო. თარხნიშვილი, — ნაძვის ხე (ლექსი) . . . . . 18
- 15. ლავით. შამათაძე, — ხალხის საყვარელი პოეტი (წერილი) . . . . . 19


### გავეხუთა შეშოქვედვა

- 16. შ. კირაკოვოვი, — რუსთაველისადმი (ლექსი) . . . . . გარეკანის მე-2 გვ.
- 17. შ. კანდელაკი, — ნაძვის ხე (ლექსი) . . . . . გარეკანის მე-3 გვ.
- 18. შარილონისი, — ფოტო-სურათები . . . . . გარეკანის მე-4 გვ.

ქრნალი გაფორმებულია მხატვარ ივ. ჯაფარიშვილის მიერ.

კ/შგ. რედაქციის მაგიერ ლ. ზიზინაძე

ვადაეცა წარმოებას 22/XII-1937 წ. ქალაქის ზოზა 60X92  
ხელმოწერილია დასაბუქვად 31/1 ფორმათა რაოდენობა 20 ავ. 91/4X14



გიორგი ჟუჯიანი

ბივის ნაზვია

ბ ი ვ ი

3312  
- მამი, მამი! როგორ შინდა,  
მეც რომ ვიყო შენოდენა! —  
ნატრობს გივი და თანჯრიდან  
თვალს აყოლებს ხალხის დენას.

მ ა მ ა

- რისთვის, ჩემო ენატკბილო?

ბ ი ვ ი

- რომ საბჭოთა არჩევნებში  
არც მე დაერჩე უნაწილოდ!

მ ა მ ა

- ეთქვათ, სურვილი აგისრულდა,  
ხმას ვის მისცემ შეილო გივი?

ბ ი ვ ი

- მას, ვინც ჩვენზე ზრუნავს მუდამ,  
ვინც უწამლა ქვეყნის ტკივილს!

მ ა მ ა

- ვის გულისხმობ?

ბ ი ვ ი

- ვინც გულს გეითობს ყველგან  
უსაყვარლეს ხალხის ბელადს! ყველას:

მ ა მ ა

- კიდევ?

ბ ი ვ ი

- ჩვენ ბერიას — მოამაგეს,  
პოეტების ჩანგით ნაქებს!

მ ა მ ა

- ვაშა, ჩემო თვალის ჩინო!  
მომწონს შენი არჩევანი!  
ჩემთან ერთად იქ ამ სიას  
ხმას აძლევენ ყველგან სხვანიც!



# სიბავშვის ბავშვი



ინებმა და თოვლის მოსვლამ ძალიან გაახარა პატარა ვალო-  
დია. მთელი დღე შინ აღარ შედიოდა, დარბოდა გარეთ, გუნ-  
ლაობდა, ციგაობდა.

— საშინელი სიცივეა... რაც სკოლიდან მოვიდა, ბავშვს  
შინ აღარ შემოუხედია, ყინვია, ამდენი თამაში როგორ შეიძ-

ლება, — თქვა ილია ულიანოვმა.

— არა უშვას. ბავშვია... ბავშვი თამაშში იზრდება, — გამოეჭიმება დედა ვა-  
ლოდიას.

შინ ვალოდიაზე ლაპარაკობდნენ, თვით პატარა ვალოდია კი გორაკზე ასუ-  
ლიყო, ირგვლივ ტოლი ბავშვები ეხვია. რალაც ჩოჩქოლი იყო, ერთმანეთს რა-  
ლაცაზე ედავებოდნენ.

მსუსხავი სიცივე მწაჩედ იკბინებოდა. ვალოდიას წითლად უპრიალებდა სა-  
ხე. შარვალი მუხლებამდის ჰქონდა შეყინული. სისხლივით გაწითლებულ ხელში  
ყინულებზე ცურვით განეხილი ციგა ეჭირა. თვალებს ცელქად ატრიალებდა ვა-  
ლოდია ულიანოვი.

— ბიჭებო, მორიგეობით დაეცურდეთ, თორემ ერთმანეთს დავეჯახებით, —  
გააფრთხილა ვალოდიამ ამხანაგები.

— პირველად ვინ დაეცურდეს? — დაიძახა რომელიღაცამ.

— ვინც მარჯვეა, — უპასუხა ვალოდიამ.

— ვინ არის მარჯვე?

— ვალოდია... ეს რომ ჩვენს შემდეგ დაეცურდეს, დაგვამტვრევს, — იხუმრა  
ერთმა ბიჭმა.

ვალოდიამ გაიცინა, ციგა თოვლზე დააგდო და თვითონაც ზედ შემოსკუბ-  
და. ვალოდია ზემოდან ტყვიასავით დაეშვა ციგით. თოვლის მშრალი ფეხნილი  
კორიანტელივით რჩებოდა უკან. ციგა შორს წავიდა, კვლავ სწრაფად მიცურავდა.  
ციგაზე დასკუპული ვალოდია წერტილივითლა მოჩანდა. ბიჭები ისევ გორაკზე  
იდგნენ და ხარხარებდნენ. ვალოდია ისე შორს იყო, რომ აღარ ესმოდა ამხა-  
ნაგების ხარხარი და ყიჟინა.



სიც იყო ბნელდებოდა, ვალოდია რომ მივიდა შინ. ციგა  
თავის ადგილზე შეინახა. თოვლიანი ფეხები დიდხანს აბრა-  
ხუნა, მაგრამ თოვლი მაინც არ შორდებოდა, მერე ცოცხი  
გამოიტანა, თუმცა ვერც ამით მოიშორა შემოსხივებული

თოვლი. ფეხების ბრახუნზე დედა გამოვიდა და სახეწითლებული შეილი რომ  
დაინახა, გააცტა:

— ვალოდია, შეილო, ამდენხანს თოვლში ყოფნა როგორ შეიძლება. ავად  
რომ გახდე, ვინღა გიმეულის?

— მამა, — უცებ თქვა ვალოდიამ და მამას გადახედა თანაც ფიქრობდა, თუ გაჯავრებულია ამ სიტყვებით შევერიებო.

იღია ულიანოვს ამ სიტყვაზე მართლა გაეცინა.

— განა ჩემი იმედით ციგაობდი? — ღიმილითვე შეეკითხა მამა.

დედამ ვალოდია მაშინვე არ მიუშვა ცეცხლთან, ხელების ფხანა აუტყდებო. მან ბავშვის გაყინული ხელები უბეში ჩაიწყო, იკრავდა მკერდში, ალერსით თავზე უსვამდა ხელებს და ტკბილად ემუსაიფებოდა:

— შეილო, ამდენხანს რომ იციგავე, მართო იყავი, თუ სხვებიც იყვნენ?

— სხვებიც იყვნენ, ბევრი ვიყავით.

— გაჯობეს, თუ აჯობენ?

— მე ვინ მაჯობებდა, ყველას გაეასწარი.

დედა გულში იკრავდა პატარა ვალოდიას და თვალბეჭით უტკეპროდა. მათ ლაპარაკში კარგახანი გავიდა. ბავშვის გაცივებული ხელები დედის უბეში ჩათბა, დაუამდა. აღარც შარვალსა და ფეხსაცმელებზე იყო თოვლი, ხოლო მის თეხებთან, იატაკზე იდგა წყალი. სითბოსაგან ხელფეხდაამებული ვალოდია ცეცხლთან მივიდა. გაიხდაა ფეხი და ორთქლი ასდიოდა.

— ვალოდია, — მიმართა დედამ თავის ოქროსთმიან შველს, — ბეკეაზე რომ ლექსი იცოდი, დაგავიწყდა?

ბავშვმა დედას შეხედა, უხმოდ უტკეპროდა და გაბადრულ სახეზე ღიმილი უთამაშებდა. ალბათ, ფიქრობდა: მე ახლა გიმნაზიელი ვარ და რაღა დროს ბებიას ბეკეა არისო.

— ეჰ, ვალოდიას აღარ ახსოვს ბებიას საწყალი ნაცარა ბეკეა, — განგებ ჩაილაპარაკა მამამ, რომ ვალოდიას მოეკრა ყური.

— როგორ არ მახსოვს, ვთქვა?

— აბა, ისე თუ იტყვი, რომ არ შეგეშლება, — წააქეხს მშობლებმა.

— ვიტყვი, — მედგრად თქვა ვალოდიამ და დაიწყო სიმღერით.

მშობლები იცინოდნენ და აქებდნენ:


— ცოდნია, ცოდნიაო!

მათ გვიან დაიძინეს. ციგაობით დაქანცულ ვალოდიას მაგრად ჩაეძინა. დღით გვიან გაიღვიძა, თავზე დასთენებოდა. მან გაახილა თვალი. ოთახში კარგი სინათლე იყო. ოქროსფერი თმა მაღალ შუბლზე ჩამოშლიოდა. იგი უცებ წამოხტა და სწრაფად ჩაიკვა.

— დღეს ხომ დაგავიანდება სკოლაში? — მიმართა დედამ.

— სირბილით წავალ და მინც აღრე მივალ, — უპასუხა ვალოდიამ და სკოლისაკენ გაექანა.

სკოლაში რომ მივიდა, უკვე გვიან იყო, და მასწავლებელმა შენიშვნა მისცა. ვალოდიამ უხერხულად იგრძნო თავი და თავისთვის თქვა: „ციგაობის ბრალია. იქ ვაჯობე ამხანაგებს, მაგრამ აქ შენიშვნა მივიღე. აწი აღარ ვიციგავებ“.



საქართველოს  
საბავშვო ჟურნალი

# თინიკოს ნაცვრა



ოთმენლად ელოდა პატარა თინიკო გორის ექსკურსიას, უნდოდა ენახა ის ქალაქი და ის სახლი, სადაც დაიბადა და ბავშვობა გაატარა ხალხთა ბელადმა, დიდმა სტალინმა.

ნატვრაც მალე აუსრულდა. მასწავლებელმა გამოაცხადა:

— ხვალ, დილის 7 საათზე, სადგურზე მოგროვდით, გორს

უნდა წავიდეთო.

თინიკო სიხარულისაგან ცას ეწია. მთელი ღამე შუოთავდა. ჯერ ისევ ბნელოდა, როცა ადგა და წასვლა მოინდომა. მშობლები არშემუნებდნენ აღრეაო, მკვრამ არ დაიჯერა, დაავლო ხელი საგზალს და გზას გაუდგა.

თბილისის ქუჩებში სინუმე იდგა. აქა-იქ ქუჩებს ასუფთავებდნენ.

ნახევარ საათში მთელი კლასი მოგროვდა. ერთობოდნენ, მხიარულობდნენ, კისკისობდნენ, ერთმანეთს შაირებში ეჯიბრებოდნენ.

აი, მატაოებელი დაიძრა... მიქრის მატარებელი, შეშინებულებივით გარბიან ხეები, ბოძები...

ბავშვებმა შორიდანვე დაინახეს გორის ციხე. მის ხუთქიმიან ვარსკვლავს მზე წითლად აელვარებდა.

— რა ამაყად ვაპოიყურება მასწავლებელო, ეს ციხე! — უთხრეს ბავშვებმა.

— დიდი იყო, — დაიწყო მასწავლებელმა, — მას დიდი ხნის ისტორია აქვს. მათევალი კლდე ყოფილა, მტრის დასაპარცებლად ხელსაყრელი ადგილი. ამიტომ არის გორის ციხეზე მრავალი ლეგენდა ხალხში შექმნილი. მრავალჯერ იხსნა გორის ციხემ საქართველო მტრებისაგან. გორი იყო ქართლის გული და მას ხალხი თვალისწინივით უვლიდა.

სადგურიდან ბავშვები ფეხით გაემგზავრნენ. გაიარეს მტკვრის ხიდი, ლენინის პროსპექტზე მასწავლებელი შედგა. როცა მოწაფეებმა თავი მოიყარეს, მასწავლებელმა ისინი მარჯვნივ ორსართულიან შენობასთან მიიყვანა.

— აა, თინიკო, ხმაძალა წაიკითხე ეს წარწერა, — მიმართა მასწავლებელმა. კითხულობს თინიკო:

— „აქ, ყოფილ სასულიერო სასწავლებელში, 1888 წლის 1-ლ სექტემბრიდან 1894 წლის 1 ივლისამდე სწავლობდა დიდი სტალინი“.

წაიკითხა თინიკომ და სიამოვნება იგრძნო. ბავშვებმა დაათვალიერეს შენობა. აქ ახლა გორის მებაღეობა-მეზობსტენობის და მემინდერეობის სასოფლო-სამეურნეო ტექნიკუმი. ერთ ზოთახში სტალინის კუთხეა მოწყობილი. ბავშვებმა გამოიცნეს სტალინი გორის სასულიერო სასწავლებლის მოწაფეთა შორის. გადაიკითხეს მოგონებები სტალინზე: „მეტად ცოცხალ და მკვირცხლ ამხანაგ სტალინს საოცარი სიდიხევე ეტყობოდა მუშაობის დროს“, — ეწერა მოგონებებში, — „კლასიდან კლასში პირველ მოწაფედ გადადიოდა“.

„ამხანაგი იოსებ სტალინი სწავლაში ჩამორჩენილ ამხანაგებს დიდ დახმარებას უწევდა, — კითხულობს ჩუმიდ თინიკო, — თვითონ აიყვანდა და სახლში ამეცადინებდა. ამის შემდეგ ჩამორჩენილები წარმატებით აბარებდნენ გამოცდებს“.

— მეც ასე უნდა მოვიქცე, აუცილებლად ავიყვან და წინ წავწევ ცივლას, რეზოს. თენგიზსა და გივლას. რა კარგია! ვიწრომებ და თავს ვისახელებ, — ფიქრობდა თინიკო, თან ყოველგვარ წვრილმანს გაფაცოცებით ათვალთვლიერებდა.

— გორი წინათ ტუქუციანი ქალაქი იყო, ჩამორჩენილი, ახლა კი, ამხ. ლ. ბერიას მითითებით, მას ამშვენიერებდა, — უთხრა ბავშვებს მასწავლებელმა, როცა ისინი პროსპექტზე გავიდნენ. — სანიმუშო ქალაქად უნდა იქცეს საყვარელი ბელადის სამშობლო.

ბავშვებს მოეწონათ მოასფალტებული პროსპექტი. ის ხეივანს წააგავს. ორივე მხრივ რაკრაკით ჩაუდის ფშანიდან გადმოყვანილი წყალი. მთელი ქუჩა ფერად-ფერადი ყვავილებით არის გამშვენიერებული.

მარჯვნივ შეუხვებით, აგერ დიდი სათეატრო მშენებლობა დაინახეს. თეატრს ყოველი მხრიდან ქუჩა ჩაუვლის. კიდევ რამდენიმე ნაბიჯი — და ისევ ახალი დიდი ორსართულიანი შენობა. ეს არის გორის სრ. საშ. სკოლა. კიდევ ცოტა — და აგერ სტალინის ქუჩაც, აგანიერებენ ამ ქუჩას, აასფალტირებენ.

თინიკო თანდათან უფრო ღელავს, გრძნობს, რომ მალე ძია სტალინის სახლსაც ნახავს. კიდევ რამდენიმე ნაბიჯი და... უკვე გამოჩნდა ლამაზი პავილიონი, რომლითაც გადახურულია ის სახლი, სადაც დაიბადა საყვარელი ბელადი, ძია სტალინი. პავილიონის წინ და მარჯვნივ ბაღია გაშენებული. იქვეა ახალი შენობა საჯარო ბიბლიოთეკისთვის.


ბავშვები შეტრატმანდნენ, თინიკო აღელდა, ყველა ძია სტალინის სახლისაკენ მიიწვიდა. ყველას ეჩქარებოდა მისი ნახვა. აგერ კარებთან წარწერა, ბავშვები კითხულობენ:

„აქ 1879 წლის 21 დეკემბერს დაიბადა დიდი სტალინი, აქვე გაატარა მან თავისი ბავშვობა 1883 წლამდე“.

— ეს არის, რაც მინდოდა, ნატერა ამის რულდა, — უთხრა თინიკომ რეზოს. ბავშვები გაყვეს ჯგუფებად და ყველაფერი აჩვენეს.

უბრალო სახლი, ოროთახიანი, ლარბული მორთულობა, დიდი, ძველებური ტახტი, ზედ ფარდაგა — ქეჩა, ორი მუთაქა, სკივრი, შუაში — სასადილო მაგიდა; მათ შუა კიღობანი; ყველაფერი ლამაზად არის დალაგებული. მეორე ოთახში პატარა მუზეუმი მოწყობილი. აქ თინიკომ ყურადღება მიექცია ლენინისა და სტალინის ახალგაზრდობის დროის პორტრეტებს.

როცა პავილიონს მოშორდნენ, თინიკოს თავი სიზმარში ეგონა; მხოლოდ მაშინ გამოერკვა, როცა ციხის აღმართს შეუღდნენ. აქ მასწავლებელმა დაწვრი-



სტალინი  
და  
ბავშვები

ლებით მოუთხრო ბავშვებს ციხის ისტორია და ისიც, თუ 1920 წლის მიწისა-  
რამ როგორ დაანგრია გორი და მასთან ერთად ციხეც.

ამის შემდეგ ბავშვებმა ნახეს ლიახვზე გადებული ახალი ხიდი.

— ეს გზა, ამ ხიდზე რომ გადის, სამხრეთ-ოსეთისა გზაა, ავტომობილები  
სტალინისში ამ გზით დადიან.

დასასვენებელ პარკში ბავშვებს შეეგებნენ საბავშვო ბაგის პაწიები. ბავშვებ-  
მა გაართეს უფროსი ამხანაგები; იმღერეს, ითამაშეს, იცეკვეს. იღომ გორის სა-  
ხალხო თეატრისა და კ. კ. ორგანიზაციის ყოველთვიურ კედლის გაზეთთან მი-  
იყვანა სტუმრები. აიღო სკამი, ზედ შედგა და წარმოთქვა გაზეთში მოთავსებუ  
ლი პეტროსიანის ლექსი, მიძღვნილი ილიასადმი.

სტუმრებმა ტაშით დააჯილდოვეს პაწია იღო. თინიკომ ის ხელში აიყვანა,  
მოეფერა, მიუაღერსა და შინიდან წამოღებული ხაჭაპური შესთავაზა.

დიდი სტალინის სამშობლო ქალაქის დათვლიერების შემდეგ პატარა თი-  
ნიკო და მისი მეგობრები აღფრთოვანებულნი დაბრუნდნენ შინ.



## მაცა თაბუკაველი



რა კარგია, რა კარგია!  
ერთი შეხეთ, რა მომხდარა:  
კახტა გოგო პარაშუტით  
ხაძვის ხიდან გადმომხტარა.  
ის რა არის, კენწეროზე  
ოქროსფერი რომ გასულა?  
დედავ, დედავ, რაებს ვხედავ:  
თევზი ხეზე სად ნახულა?!  
აგერ სპილოც... ეგერ ავტო,  
შიგ შოფერი ჩემი კბილა...  
ამ სიძიძემს როგორ უძღვებს,  
ეს ნაძვის ხე რა ყოფილა!  
ოქროს მიძივებს ოქროს კაცი  
ერთიანად დაუბურავს...  
აი ცელქი მაიმუნიც,—  
ჯოხი აქვს და ქული ჰხურავს.  
ეგერ ფისო ცუგას უბღვერს  
და ატეხენ აყალმაყალს,

ჩით ციყვი ჩაცუცქულა,  
შეექვევა ოქროს კაკალს.  
კახტა ნაძვის სიმწვანეში  
ელექტრობაც ჩაბუდრულა  
და გამოკრთის მის ტოტებში,  
ვით ჩიტები ყვითელგულა...  
რა კარგია, რა კარგია,  
ერთი შეხეთ ამ ნაძვის ხეს!  
ნუთუ ფრინველ-ცხოველები  
ხის ტოტებმა გამოისხეს?!  
ბავშვებს თავი მოუყრიათ  
და ნაძვის ხეს დაჰხარიან,  
ყურთასმენა აღარ არის,  
კისკისი და ხარხარია...  
ცელქობს, ანცობს, დაგიჟაყობს,  
ფერხულს უვლის ბავშვთა წყება,  
და წკრიალებს ნორჩი ხმები:  
ძია სტალინს გამარჯვება!



# თამაზის ავტო



რა კარგია, როგორ შეენის  
შოფერობა თამაზს,  
ეს რა ავტო უყვლიდა  
ამ ბიჭისთვის მამას!  
თამაზს უნდა მისი ავტო  
მთელმა ქუჩამ ნახოს.  
ჩამოდექით, გზა მიეცით,  
ვერა ხედავთ, ხალხო?!  
რა თამამად მართავს ბავშვი  
ამ პრილა ავტოს,  
თითქოს დედა თან არ ახლდეს  
და მოქროდეს მარტო.  
აგერ მწვანე ხეივანი  
ხედება თაზოს ლხენით,  
ქუჩის პირას ამართული  
შრიანლებენ ხენი.

გასცდა ხეებს და ნელნელა  
დაექანა თავქვე,  
აჰა, დიდი შადრევანიც  
მოედანთან, აქვე.  
აქ შეხედებოც თითქოს ჩუმად  
ჩურჩულებენ ამას:  
„რა ბიჭია, როგორ ჰშენის  
შოფერობა თამაზს“.  
თამაზს უნდა მისი ავტო,  
დღეს სულყველამ ნახოს.  
ჩამოდექით, გზა მიეცით,  
ვერა ხედავთ, ხალხო?!  
რა ქნას, ჯერ თუ პატარაა  
და ვერავეინ ამჩნევს,  
გაიზაადოს, ნახეთ, ბიჭი  
რა ვაჟკაცი დარჩეს!

## სანდრო ქვანძი

### უ ი შ ქ ე ბ ი

ცრის და თანდათან უმატებს ფიფქებს,  
ცრის და ირევა თოვლის ფანტელი;  
ჩვენ ეს სიცივე სულ არ გვაფიქრებს  
და არც გვაშინებს კორიანტელი.

ცრის და მიდამო ირთება თეთრად,  
მართლა ზამთარიც ასეთი უნდა...  
დღეს ვისრიალოთ სულყველამ ერთად,  
ჰეი, ბიჭებო, ცივა და გუნდა!

ჩვენ ხომ სწავლაში გვაქვს ფრიალები  
და ცივაობაც განა ძნელია?!

წავიდეთ ბარემ, ნუ ვგვიანდებით,  
სალამოს ისევ შინ მიგველიან.

წავიდეთ გაღმა, ყიჟინა ისმის  
და გუნდაობაც გავმართოთ იქვე...  
თოვია ისე, თითქოს დგას ნისლი,  
ცრის და უმატებს თანდათან ფიფქებს.

ცრას და ითოვოს, ითოვოს კიდევ,  
თოვლი მოვიდეს ამაზე ბევრი;  
თეთრად დაფარულ მთებსა და მინდვრებს,  
ჰეი, ბიჭებო, ჰერი და ჰერი!



# ამერიკის ქართული

3.



ოთას საქმლის მადა დაე-  
კარგა. არც გოქის ხორცი  
ქამა და არც ხაქაპური,  
არც წვადი და არც სტა-  
ფილო. ჩამოხმა შოთა, დასუსტდა და  
ქილაობაც მიატოვა.

მოუყვანეს გემრიელი ექიმი—და შო-  
თას მადაც მოუვიდა. იმდენი ქამა, რომ  
სულ გამოცალა შკაფი, გოქის ხორცი,  
ხაქაპური, წვადი, ნამცხვარი, გოზინაყი,  
სტაფილო სულ შექამა შოთამ. ქილაო-  
ბაც დაიწყო.

—ბიჭო, რა გაქმევს ამდენს?—ეუბნე-  
ბოდა დედა.—მუცელში ქვეერი ხომ არ  
გიღვას?

—შოთა კი ილუკმებოდა, თან ამბობდა:  
—რა კარგი რამ ყოფილა გემრიელი  
ექიმი!

2.



რთხელ ლეილას შეაცევა.  
ძიგძიგი დააწყებინა, ორი  
საბანი დაახურეს, ფეხები  
თბილად შეუხვიეს. ვერ უშ-  
ველა. სულ კიოდა ლეილა:

—მცივა...ვაი, დედა, მოკვდი! ვაი,  
დედა!

კოტა ხხის შემდეგ ლეილას სიცხე მის-  
ცა. ახადეს საბნები, გაუშვილეს ფეხ-  
ები, დაადეს ცივი ტილო. ვერ უშველა.  
სულ კიოდა ლეილა:

—ვიწვი... ვაი, დედა, მოკვდი, დედა!  
მოუყვანეს გემრიელი ექიმი—და მორ-  
ჩა ლეილა.

4.



უხრანს ცხვირიდან ხში-  
რად ჰქონდა სისხლის  
დენა. გაიქცეოდა მუხ-  
რანი მინდორში, გამო-

ვიღებოდა პეპლებს, დაიწყებდა ამხანა-  
გებთან ბურთაობას, აირბენდა გორაკზე  
თუ ავიდოდა ვაშლოზე, — წამოვიდოდა  
ცხვირიდან სისხლი. საწყალი მუხრანი პი-  
როლმა დაწვებოდა, ცივ ტილოს შუბლო-  
ზე დაიდებდა და უტყდილა, სანამ სი-  
სხლის დენა შეწყდებოდა.

მოვიდა გემრიელი ექიმი—და მორჩა  
მუხრახი.



5.

უცას ღელა ავად გახდა. ქარები აწვალვდა.

— ოოხ, ვკვდები. — ოთრავდა ნუცას ღელა — მომ-

კლა ამ ქარებმა... რად ღირს ჩემი სიცოცხლე! ნეტავი მოკვდებოდნე... ნუცას დაპაულებით გადმოსდიოდა ტრემლები. ღელა მაინც არ რჩებოდა.

მოვიდა გემრიელი ექიმი და მოარჩინა ნუცას ღელა.



8.

ია სანდროს ტიფი დაფიქვნილი მათა. ყველანი შეშინდნენ, გადაგვედგაო, იფიქრეს და ძია სანდროსა

საავადმყოფოში გაგზავნეს. — საშიშია. ვერ გადაიტანს. მოკვდება ძია სანდრო, — ამბობდნენ მეზობლები.

მოვიდა გემრიელი ექიმი და მოარჩინა ძია სანდრო.



6.



კოტეს მამა ავად გახდა. კუჭი დაუსწვეულა. ექიმებმა ურჩიეს.

— ხორცი არ ჭამო, კვერცხი არ ჭამო, ხილი არ ჭამო...

საწყალი კოტეს მამა იწვია, საკმელს ნატრულობდა და კბილებს აკრაქუნებდა. კოტეს ძალზე უყვარდა მამა და ტიროდა.

მოვიდა გემრიელი ექიმი და მოარჩინა კოტეს მამა.



9.

ოგორია გემრიელი ექიმი? რა ჰქვიან? საიდან მოვიდა, სად ცოვრობს?

ის ათი მეტრის სიმაღლეა. მხარბეჭანიერია. მარად მწვანე ფერი აქვს. ძალზე მტკიანაა. სიცოცხე რომ დაკარავს, ნაბადს წამოისხამს, ძაგრამ ისეთს ნაბადს კი არა. თქვენ რომ გინახავთ. მას ლაქაშის ნაბადი უყვარს. თუ ღილი ყინვები დაიქრა, ფეხებში ღუმელს ჩაიღვას.

ის შორიდან ჩამოვიდა, ფლორიდიდან, ჩრდილო-ამერიკის შეერთებული შტატებიდან. ახლა ცხოვრობს ქალაქ ფოთში, საბჭოთა მეურნეობა „გრიფურტში“, კოლხიდის ამოშრობილ ქაობებზე. მას ჰქვიან გრიფურტი. ის მარად მწვანე ხეა. ნაყოფს მტვევისებურს ისხამს. ნაყოფი ღილია, რამდენიმე კილოს იწონის.

7.



ინას ბებიას წყალმაკი გაუჩნდა. საცოდავი ბებია... ტანი რუმბივით გაუსივდა. არც აღგომა, არც დაჯდომა არ შეეძლო.

თინას ძალზე უყვარდა ბებია, ეხვეოდა და იტრემლებოდა.

მოვიდა გემრიელი ექიმი — და მორჩა თინას ბებია.



10.

ხლა თქვენ ხედავთ, რომ გემრიელი ექიმი ყოფილა გრიფურტი. რადგან ის საკმელად გემრიელია და

ბევრ ავადმყოფობას არჩენს, მე მას გემრიელი ექიმი ვუწოდებ.



რა გოგოა, რა გოგო!  
სუფთა, მარდი, პრიალა,  
ჯარასავით ტრიალებს,  
მერცხალია ცქრიალა!

ღამით ადრე იძინებს,  
დგება სისხამ დილითა,  
სძულს ზოგიერთ ბავშვივით  
გაბრუება ძილითა.

სუფთად იცინებს, სუფთაა  
გოგო ქუჩისმოსანი;  
არ გვეგონოთ უბრალო,  
გახლავთ ფრიალოსანი.

ერთი ზნე სკირს გოგონას,  
განა დასაწუნია —  
სძულს ზარმაცი ბავშვები,  
სძაგს ბავშვები წუნია!

ზემის დროს ქუჩებში  
ბავშვთა მეთაურია;  
მიდის, წითლად ფრიალებს  
მისი საყელურია.

რა გოგოა რა, გოგო!  
სუფთა, მარდი, პრიალა,  
ჯარასავით ტრიალებს,  
მერცხალია ცქრიალა!



დაწარღვი მალტარ დისნეის სტუდიის მიერ

იყო და არა იყო რა, იყო ამ ქვეყნად სამი გოჭი, სამი ძმა. ყველა თანატოლი, ყველა თანაბარი. კულებიც ერთნაირი ჰქონდათ, ძალიან სასაცილო კულები! სახელებიც რომ ემსგავსებოდა! ერთს ერქვა ნიფნიფი, მეორეს — ნუფნუფი, მესამეს კი ნაფნაფი. ცხოვრობდნენ ძმები ტყეში არხეინად, მწვანე მოლზე კოტრალებდნენ, ნებივრობდნენ მზეზე და რკოთი იკვებებოდნენ. ასე გაიზრნა ზაფხულმა.

დადგა შემოდგომა.

მზე ისე აღარ ათბობდა, როგორც წინათ, რუხი ღრუბლები ჩამოწვენ გაყვირებულ ტყეში გუბეები დიდხანს აღარ შრებოდა.

ერთხელ დილაადრიაანად, მიმართა ნაფნაფმა თავის ძმებს:

— დროა ვიზრუნოთ ზამთრისათვის! მე სიცივისაგან მაკახცახებს. ადვილად შეიძლება გაეკიდეთ. რაც გახდეს და გახდეს, მოდი, ავიშნოთ სამოთახიანი სახლი და ერთად, ერთ თბილ ქერქვეშ ვიცხოვროთ.

მაგრამ ნაფნაფის ძმებს მუშაობა არ უყვარდათ.

მიწის თხრასა და ქვების ზიდვას იმათ ამჯობინეს უკანასკნელი თბილი დღეები თამაშსა და ხტუნაობაში გაეტარებინათ.

— ზამთრამდის ჯერ შორია! ჯერ კიდევ მოვასწრებთ სეირნობას, — თქვა ნუფნუფმა და ჩაწვა ტლაპოში.

— განა მე კი ვერ ავიშენებ სახლს! — დაუმატა ნიფნიფმა.

— როგორც გენებოთ! მე ცალკე საკუთრად ჩემთვის დავიდგამ სახლს, მე თქვენ აღარ მოგიცდით, — უპასუხა ნაფნაფმა.

სიცივე თანდათან მატულობდა, მაგრამ არც ნიფნიფს, არც ნუფნუფს არ ეჩქარებოდათ.

იმით აზრადაც არ მოსდიოდათ. რომ საკირაო მუშაობა არხეინად თამაშობდნენ, გოკების შესაფერისად ერთობოდნენ და კოტრიალებდნენ და მხიარულ სიმღერებს ღრუტუნებდნენ.

— დღეს კიდევ ვისეირნოთ, ხვალ კი დილიდანვე შევუდგეთ მუშაობას, — ეუბნებოდნენ ერთმანეთს ძმები.

ეს „ხვალ“ არ ილგოდა. მეორე დღესაც ისევ ის მეორედებოდა.

მხოლოდ მაშინ მოვიდნენ ძმები გონს, როდესაც ყინვები დაიწყო, და შეუდგნენ მუშაობას.

ნიფნიფმა გადაწყვიტა, რომ ჩაღის სახლი ყველაზე იოლია და ისაშენებლად უფრო ადვილი, არავის არ შეეკითხა, შეუდგა მუშაობას, და საღამოსათვის სახლი მზად იყო.

ძლიერ კმაყოფილი დარჩა თავისი ნამუშევრით ნიფნიფი. როდესაც სახურავს დაადო უკანასკნელი ღერო ჩალა, სიმღერაც კი შემოსძახა:

ნუთუ ვინმე დამძრახავს,  
დამძრახავს, დამძრახავს,  
უკეთეს სახლს სად ნახავს,  
სად ნახავს, სად ნახავს!

ამ სიმღერით გასწია ნიფნიფმა ნუფნუფისაკენ. ნუფნუფიც იქვე, იმის მახლობლად სახლს აშენებდა.

ისიც ეშურებოდა მალე მოეთავებინა ეს მოსაწყენი და აბეზარი საქმე.

იმანაც თავის ძმასავით ჯერ ჩაღის სახლის აშენება განიზრახა, მაგრამ მერე გადაიფიქრა; ვაი თუ ზამთარში ამისთანა სახლში ეციოსო.

სახლი უფრო მკვიდრი და თბილი იქნება, თუ წყნელით მოწუნლს გავაკეთებო.

ასეც მოიქცა. ჩაარქო სარები, შემოავლო წყნელი, სახურავზე ფოთლები ბლომად დააყარა და საღამოსათვის მოწუნული კარავი მზად ჰქონდა.

კმაყოფილმა ნუფნუფმა რამდენიმეჯერ შემოაურბინა თავის შენობას და სიმღერა შემოსძახა:

ახ, რა კარგი სახლი მაქვს,  
სახლი მაქვს, სახლი მაქვს,  
ან თოვლი და ან წვიმა  
რას მიზამს, რას მიზამს!



ის-ის იყო სიმღერა დაასრულა, რომ ბუჩ-  
ქებიდან გამოხტა ნიფნიფი.

—ყოჩაღ! შენი სახლიც მზად ყოფილა.  
მაშ ტყუილად არ გვითქვამს ნაფნაფისათვის,  
რომ ჩვენც მოვერეოდით ამ საქმეს. ახლა  
ორივენი ვართ და შეგვიძლია რასაც კი მო-  
ვსურვებთ ის ვაკეთოთ.

—იცი, რას გეტყვი? წავიდეთ, ერთი თვალი  
გადავავლოთ, რას აკეთებს ჩვენი ძამია ნაფ-  
ნაფი, — უპასუხა ნუფნუფმა.

და უზრუნველყოფილი ძმები ამ სიტყვე-  
ბით ბუჩქებს ამოეფარნენ.

უკვე რამდენიმე დღეა, რაც ნაფნაფი გარ-  
თულია თავისი მშენებლობით.

ნაფნაფს მოეგროვებინა ქვები, აეზილა  
თიხა და ღინჯად, აუჩქარებლად იშენებდა  
ისეთ სახლს, რომ სანდო თავსაფარი ყოფილიყო, რომ არც ქარს, [არც წვი-  
მას, არც ყინვას არ შეეწუხებინა.

მუხის მაგარი, მძიმე კარი ააბა და, რომ მგელი არ სტუმრებოდა, ზედ ღი-  
დი ბოქლომიც დაადო.

მგელი კი, რომლის არსებობა არც ნიფნიფსა და არც ნუფნუფს აზრადაც  
არ მოსვლიათ, ამ დროს ტყეში, ნაძვის ქვეშ იყო მხარეთმცოდნე წამოწოლილი  
და ძილში კბილებს აკრაქუნებდა.

ნიფნიფმა და ნუფნუფმა მუშაობაზე შეასწრეს თავიანთ ძმასა.

— მაგას რას ავებ? — შეჰყვირეს ერთხმად გაოცებულმა ძმებმა. — რა არის ეგ?  
სალორეა თუ ციხე? იქნება საომრად ემზადები? ვის გაუგონია, რომ გოკი მაგის-  
თანა სახლში ცხოვრობდეს! სასაცილოდ აიგდეს ძმებმა ნაფნაფი და ისე ღრუტუ-  
ნებდნენ, რომ იმათი ხმა შორს მიწოდორში ისმოდა.

ნაფნაფიც საპასუხოდ აღრუტუნდა:



— არ ვესხულობ კუას  
ჩემ ძმებივით სვისაგან,  
სახლს ვაშენებ ჭვისაგან,  
ჭვისაგან, ჭვისაგან.  
მე უფრო ის მახარებს;  
მახარებს, მახარებს,  
ნადირი ვერ გააღებს  
ამ კარებს, ამ კარებს.

— ეგ რომელ ნადირზე წაიმღერა? — შეეკითხა  
ნიფნიფი ნუფნუფს.

— შენ, ეი, რომელ ნადირზე მღერი? — შეეკითხა  
ნუფნუფი ნაფნაფსა.

— რომელზე და მგელზე, — უპასუხა ნაფნაფმა  
და კიდევ ერთი აფური წაუმატა.

— დახე, მგლისა შშინებია! — წამოიძახა ნიფ-  
ნიფმა.

— ემინია, რომ შეჭამს, — დაუმატა ნუფნუფმა.





ძმები უფრო გამხიარულდნენ.  
— აბა, ვის გაუგონია აქ მგლები! — აღრუტუნდა  
ნიფნიფი და სალამური მიიღო ვარდისფერ ღინგზე.  
— არავეითარი მგლები არ არსებობენ! ლაჩა-  
რია! მშიშარაა! — თქვა ნუფნუფმა და ააწყო ვიოლი-  
ნო. მერე ორივემ ერთად დაუკრა და დაამღერეს:

მგელი თათსაც ვერ გვახლებს,  
ვერ გვახლებს, ვერ გვახლებს,  
მგელი ჩვენ რას დაგვაკლებს,  
დაგვაკლებს, დაგვაკლებს!

ნაფნაფი კი არხვინად განაგრძობდა მუშაობას  
და ძმებს ზედაც არ შეხედა.

— წაეიდეთ, ნუფნუფ! — უთხრა ნიფნიფმა. — ეს  
ჩვენი ტოლი აღარ არის. აბა ჩვენ მშიშარასთან  
რა საქმე გვაქვს!

და ორივენი წავიდნენ სასეირნოდ.

გზადაგზა მღეროდნენ, უკრავდნენ. ტყეში  
რომ შევიდნენ, ისე ხმაურობდნენ, რომ ნაძვის ქვეშ მძინარე მგელი გააღვიძეს.  
— ეს რაღა ამბავია! — უკმაყოფილოდ წაიბურტყუნა გაბრაზებულმა და დამ-  
შეულმა მგელმა და გაექანა იქით, საიდანაც გაისმოდა ორი სულელი, პატარა  
გოქის ტყვილი.

— აბა აქ რა უნდა მგელს? — ამბობდა ამ დროს ნიფნიფი. ამას მგლები მხო-  
ლოდ დახატული ენახა.

აი, თუ წაქწვლით ცხვირში, სეირს, უჩვენებთ, ის ვილაც მგელია! — ჩაუკრა  
ნუფნუფმა.

არც იმას ენახა ცოცხალი მგელი.

(დასასრული იქნება).

\*\*\*გმანა—მარტინი

### ღვან ანანიავიძე

## ბ უ რ თ ა ო ბ ა

მინდვრად რბიან, ნავარდობენ  
თამაზი და ლელო,  
თამაშობენ, ბურთაობენ,  
რომ წაიღონ ლელო.

ფეხი ვაკრა ცელქმა ლელომ,  
ბურთი აღის მალლა...  
ხმაურობენ, იცინიან,  
არ იციან დალლა.

და ვით კარგი მობურთალი,  
დგას თამაზი კართან...  
— ბიჭო, ბურთი გოლს თუ ვასცდა,  
შენი საქმე წახლა!

ავერ ბურთი ვადმოგორდა  
და შევარდა კარში,  
მოიღრუბლა თამაზიკო, —  
მხიარული ბავშვი.

— შენ სულ ასე მეუბნები  
და არ მითვლი გოლებს,  
თამაშობა აღარ მინდა  
დაუფძახოთ ტოლებს...

შეხეთ, ოთხნიც კმაყოფილნი  
ბრუნდებიან შინა,  
თოლია კი ბურთით პირში  
მათ მიუძღვით წინა.



# გულაძი გიგა



იღვდა კესარია და მართა მამიდა კაკალს ამტვრედნენ სამხარეულოს წინ, პატარა გია კი ცხენს დააქროლებდა ეზოში.

— გივიკოს ენაცვალა ბებია, — ჩიფჩიფებდა კესარია, — ერთი შეხედვით რა ამბავშია, მთელი დღე მაგის დასვენება არ არის.

ამ დროს გიგამ სამხარეულოსაკენ გამოაქენა თავისი ბეღაური. მოვარდა, გადმოხტა ცხენიდან და ოფელში გაღვრილი ჩამოჯდა, თან კაკლის ნებალოს სტაცა ხელი.

— ბიჭო, აღარ უნდა მოისვენო? — ღიმილით უთხრა მართა მამიდამ, ღიღულამ კი საყვედურის კილოთი მიმართა:

— გივიკო, არა გრცხვენია? წედან რომ ხეზე ასულიყავ, შიშით კინალამ გული გამისკდა.

— რისა გეშინია, ღიღვდა, მერე რა იყო, ავედი და ჩამოვედი. თქვენ ყველანი მშიშარები ხართ და რა ჩემი ბრალია.

— ოჰ, შენ კი დიდი გულადი მყავხარ, აი, — გაცინა მართა მამიდას. — ბიჭო, შენ არ იყავი, ბატებმა რომ შეგაზინეს?

— ეგ შარშან იყო, ახა ახლაც შემაშინონ, — ამაყად თქვა გივიკომ და მოახლოებულ ბატს თავისი „ცხენი“ გადაჰკრა. ბატს ვერ მისწყდა, ცხენი ქვას მოხვდა და გადატყდა. ბავშვი შეკრთა.

— ეგ რა ჰქენი, ბიჭო, ნიკო ძიამ ახლა რით უნდა იანკესოს? მერე რა კარგი ბამბუკი იყო! — წყენით უთხრა ღიღვდამ.

— გააჭირეს საქმე ამ ბატებმა, — თავზე ხელის გადასმით უთხრა მამიდამ გიგას, — შარშან კინალამ შეგვაძაგა, ახლა „ცხენი“ გაგტყენეს. აჰა, ეს კაკალი აქამე შენს ბეღაურს, იქნებ მორჩეს.

გიგას ცრემლები ეროდა. ღიღვდას შეეცოდა, იმანაც მისცა რამდენიმე კაკალი და თან დაატანა:

— ბიჭო, წადი, ლალის მიხედე, ჩემ ოთახშია, დედოფალა ჰყავს აჟად.

— გია წამოხტა და თვალის დახამხამებაში აირბინა კიბეზე.

— ცეცხლია, ცეცხლი! — ჩიფჩიფებდა ღიღვდა და თან კაკალს ამტვრევდა დანაოქებული ხელებით. — ახლა ნიკოს რაღა ეშველება, მერე რა კარგი ბამბუკი იყო! აფსუს, აფსუს...

ამ დროს ბატები და ქათმები შემოესივნ. ერთმა მამალმა ღიღვდას კალთიდან გამრიყელი ნებალო იგდო ნისკარტში, ჭრელ ღედალს უნდა გამასპინძლევდა.



ბოდა, მაგრამ გაბრაზებულმა დიდდემ გიას ცხენს მოავლო ხელი და  
ნაღ დაჰკრა. მამალი განზე გახტა და შეშინებული აყვირდა:

— რა იყო? რა იყო? რა იყო?

— ვაი, ცეცხლი! ჰამე შენ, ცეცხლი! — წყველიდა მამალს დიდელა.



••



ცებ გავიდა ზაფხული. გია და ლალი მშობლებ-  
მა ისევ თბილისში წაიყვანეს.

კვლავ სასწავლებელი, ამხანაგები, მასწავ-  
ლებლები...

გია ლალის ეჯიბრებოდა სწავლაში, ლალი —  
გიას.

— აბა, დღეს რა მიიღე? — უთხრა ერთხელ  
ლალიმ ძმას.

— რა მივიღე?! რა მივიღე და ფრიადი. შენა?

— მე? მეც ფრიადი.

— აბა მაჩვენე. ეს რა არის? ფრიადი გამოკლებით!

— ბიჭო, დედა არ მომიკვდეს, მელანი რომ დამეწვეთა, იმიტომ დამიწერა  
გამოკლება, ჭუჭყიანიო, დედა არ მომიკვდეს...

— არ ვიცი მე! ეს ფრიადი კი არ არის, საშუალოა.

ლალის კრემლები მოერია და ფშხლუკუნით თქვა:

— ფრი-ა-ლიიია...

გიამ გამოაჯავრა, მტირალა ხმით გაჰიანურებით თქვა „ფრი-ა-ლიი-აააა“ და  
მერე მტკიცედ მიახალა.

— იჰ, არც კი რცხვენია! ტირია!

ლალიმ კრემლები მოიწმინდა.

— გადი იქით, შენ არ იყავი, ბატებმა რომ გამოგაქციეს და დიდდემ გი-  
შველა?! — უთხრა ლალიმ.

— არაფერიც! შენ კი ფინიამ შეგაშინა და კატასთან ველარ მიდიოდი.  
მშიშარა!

— შენ კი დიდი გულადი მყავხარ, აი!

— აბა არ იცი!

ერთი წუთის შემდეგ და და ძმა ტუბილად ებაასებოდნენ ერთმანეთს.

••



უშინ ნიშნები დაურიგეს მოწაფეებს. გიაც და ლალიც ფრია-  
დოსნები არიან. დედამ დღეს კარგი საბავშვო წიგნები უყიდა მათ,  
თანაც პატეფონის ფირფიტა „Мой дом““. ათჯერ მაინც დაუკრეს  
ნასადილევს და ზოგი ადგილი ზეპირადაც დაისწავლეს, მით უმე-  
ტეს, რომ დედამ ჩუკოვსკის „Мой дом““-იც მოუტანა მათ სათი-  
თაოდ და თან უთხრა:

— აბა, ბავშვობა, ვნახოთ, ვინ უკეთ წაიკითხავს, გადამიფარგმნის და მერე  
თავისი სიტყვებით მიამბობს. რაც ვერ გაიგოთ, მკითხეთ ხოლმე, ზეგ კი შევა-  
მოწმებ, რომელს უკეთ გეცოდინებათ.



— კარგი, კარგი, — სიამოვნებით დაეთანხმნენ დედას.

დალამდა. უკვე ძილის დროა, გია და ლალი კი მისჯდომიან მაგიდას და გატაცებულნი კითხულობენ „Мой дом“ -ს. გია ხანდახან დაკეცავს წიგნს, თვეს ლებს მინაბავს და გუნებაში ზეპირად ამბობს ზოგიერთ ადგილს. როდესაც გადავიწყდება ესა თუ ის სტრიქონი, ან სიტყვა, გადაშლის წიგნს და ცალი თვალით ჩაიხედავს შიგ.

— გეყოფათ, ბავშვებო; ლალი, ჩაიდანნი დადგი, ჩაი დალიეთ და დაიძინეთ, — უთხრა მათ დედამ.

ონკანი დერეფანში იყო, კიბის თავზე, სადაც ელექტრობა არ ჰქონდათ ჯერ გაყვანილი.

— გია, გამოძყევი, ბიჭო, — შეეხვეწა ძმას ლალი, რომელსაც ბნელ დერეფანში გავლა ეშინოდა.

— უპ, მშიშარა, მშიშარა! მაგოდენა გოგო ხარ და რისა გეშინია?

— ე, ბიჭო, წამომყევი, რა იქნება, რა!

— კარგი, კარგი, წავიდეთ, — თქვა გიამ და ეშმაკურად გაიღიმა.

გავიდნენ დერეფანში. ლალიმ ონკანი მოუშვა და ჩაიდანს ავსებდა. ამ დროს გიამ მიაყვირა:

— დათვი, დათვი კიბეზე!

ამ სიტყვებზე ლალიმ დაიწივლა, დააგდო ჩაიდანნი და ოთახში შევარდა. მის წივლზე გიას ისე შეეშინდა, რომ „ვაი დედა“ წამოიძახა და ფშხლუკუნით ძლივს შებობდა ოთახში.

განის ოთახიდან გამოვარდა შეშფოთებული დედა.

— რა იყო, რა მოგივიდათ? — ეკითხებოდა ბავშვებს.

— დედა, გიამ შემაშინა, დათვია კიბეზეო, — ცრემლებისაგან გაბრწყინებულ თვალებით ამბობდა ლალი.

— შენ რაღა მოგივიდა, ბიჭო?

— ლალიმ ისე დაიწივლა, დედა, რომ...

დედამ გადაიხარხარა.

— ბიჭო, სხვას აშინებდი და შენ თვითონ დაფრთხი? უპ, რა გულადი ყოფილხარ!

ამ დღიდან შეარქვეს პატარა ბიჭიკოს „გულადი გია“.

### პეპე პეპეპეპეპე

## ზ ა მ თ ა რ ი

დაგვიზამთრდა, დაგვიზამთრდა,  
გადიბარდნა არეშარე,  
მთებს ნისლეები მოჰხვევია,  
დათოვლილა ყველა მხარე.  
გაკირჩხოლულა მთა, მინდორი,  
დაძვარფატებს ყვავი მუხას,  
შაშიე ჯაგში განაბულა,  
სიცივისგან ძლივსლა სუნთქაეს.  
ნაკადულიც მირაკრაკებს,  
გადაურბენს კლდეებს, შამბნარს,

თითქოს ზამთარს ემუქრება,  
ზედ ყინულის იცვამს ჯავშანს.  
თითქოს რისხვა უღულს გულში,  
მიჩუხჩუხებს, მირბის თავქვე,  
კლდე-გორებში ჩაკარგული  
გულმკერდიდან ბოლმას აფრქევს.  
დაგვიზამთრდა, თოვლი მოდის,  
ქარი ქრის და სუსხავს, ცივა,  
როგორც თეთრი პეპელები,  
ფანტელები დაბლა ცვივა.

# ვინ ირჩია ძაღლმა



(ზღაპარი)

იდ უდაბურ ტყეში მარტოდმარტო ცხოვრობდა ძაღლი. არ ჰყავდა მას არც მეგობარი, არც მფარველი, და გადაწყვიტა ვინმეს მიჰყვებოდა. არ იცოდა მხოლოდ ვინ აერჩია. ერთ დღეს გამოვიდა თავისი ბუნაგიდან და გაუდგა ტყის ბილიკს. ტყე შრიანებდა, ხეების ფოთლები ირხეოდნენ, პრიანებდნენ მზის შუქზე და ძირს მწვანე რბილ (ხავის ხალზე ოქროსფერ ბილიკებს ხატავდნენ.) ხეების ტოტებში დახტოდნენ და ვალობდნენ ფრინველები... რა კარგი იყო აქ, რა საუცხოო იყო შრიანა ტყე, მაგრამ ძაღლს ხომ მოჰგებრდა მარტოობა, მას ხომ აღარ შეეძლო მარტო ცხოვრება, და გაბედულად მიდიოდა ტყის ბილიკზე.

მხეცი ხარ, შემიკვლევ. ერთად ვიცხოვროთ. სამაგიეროდ გემსახურები.

— ჩემთვის საჭირო კი არ ხარ, მაგრამ კარგი, მემსახურე. ახლავე გამომყევ სანადიროდ და რაც საუკეთესო ნაწილი რევი იშოვნო, მე მომართვი, — უთხრა მგელმა და გაუდგნენ გზას.

გზაზე დათვის კვალი დანახეს.  
— აჰ, შეხედე, კვალი! — დაიყვირა მგელმა,

— ვისი კვალია? — იკითხა ძაღლმა.

— ოჰ, ეს საშინელი მხეცისაა, ისეთი ღონიერის, რომ ერთი თათის მოქნევით ორივეს მოგვკლავს! — თქვა შეშინებულმა მგელმა. — დათვის კვალია.

— მე წავალ დათვთან, — თქვა ძაღლმა, მიატოვა მგელი, გაჰყვა კვალს და მივიდა დათვთან.

— ვინა ხარ და რისთვის მოსულხარ? — ჰკითხა დათვმა.

— მე ძაღლი ვარ. მომბეზრდა მარტო უსარგებლოდ ცხოვრება. შენ ძალიან ღონიერი მხეცი ხარ. შემიკვლევ, ვიცხოვროთ ერთად. სამაგიეროდ გემსახურები.

— ჩემთვის საჭირო კი არა ხარ, მაგრამ კარგი, მემსახურე. სანადიროდ მივდივარ, გამომყევი. გახსოვდეს, რაც ნაწილი რევი იშოვნო, ყველა მე მომართვი. ჯერ მე უნდა გავძღე, და თუ დარჩება, შეგიძლია შენც ჰკაპო.

ძაღლი გაჰყვა დათვს.

დათვი უცებ შეჩერდა და ბილიკს დააკერდა:

— ოჰ, შეხედე, აქაც მოსულა! იმის კვალია.

— ვისი კვალია? — იკითხა ძაღლმა.

— ალამანისა! — წარმოთქვა შეშინებულმა დათვმა.

წინ ტურა შემოეყარა. ერთმანეთს სალაში მისცეს, და ძაღლი თან გაჰყვა. გზაზე მგლის კვალი დანახეს.

— აჰ, ხედავ? კვალი! — დამახა ტურამ.

— ვისი კვალია? — იკითხა ძაღლმა.

— ოჰ, ეს ისეთი საშინელი მხეცისაა, რომ, თუ შეგებდა, ორივეს მოგვერევა და გავგუდავს, — თქვა შეშინებულმა ტურამ. — მგლის კვალია.

— მე წავალ მგელთან, — თქვა ძაღლმა, მიატოვა ტურა, გაჰყვა კვალს და მივიდა მგელთან.

— ვინა ხარ და რისთვის მოსულხარ? — ჰკითხა მგელმა.

— მე ძაღლი ვარ. მომბეზრდა მარტო უსარგებლოდ ცხოვრება. შენ ძლიერი



— ადამიანისა? ვინ არის ადამიანი? შენზე ძლიერი მხეცია!

— მხეცი?! არა, ადამიანი მხეცი არ არის. უშნო, უკულო, ორფეხა, ტიტველა არსებაა. მე შემოძლია ერთი თათის დაკვრით სული გავაფრთხოვინო, არც ყბებში და არც თათებში ჩემისთანა ძალა არა აქვს, მაგრამ...

— მაგრამ რა?

— მაგრამ ისეთი ჭკვიანია, რომ ჩვენ, მხეცები, ყველანი ვიმაღლებით იმის შიშით. თვითონ ლომიც კი გარბის, ეშინია მასთან შეტაკება...

— მე წავალ ადამიანთან, — თქვა ძაღლმა, მიატოვა დათვი, გაჰყვა კვალს და მივიდა კაცთან.

— ვინა ხარ და რისთვის მოსულხარ? — ჰკითხა კაცმა.

— მე ძაღლი ვარ. მომბეზრდა მართო ტყეში უსარგებლოდ ცხოვრება. შენ ყველაზე უფრო ჭკვიანი ხარ. შემოკედლე და გემსახურები.

კაცმა შეხედა ძაღლს თვალებში, გაიცინა და უთხრა:

— კარგი, შეგიკედლებ. წაგიყვან ჩემ ფაცხაში და ჩემთან გაცხოვრებ. — თავზე ხელი გადაუსვა და გასწიეს ერთად. ბილიკმა ისინი დიდი მდინარის ნაპირას

გაიყვანა. მდინარის პირას შემადღობულზე იდგა ისლით დაბურული ფაცხა, ფაცხიდან კი მათკენ მოაბრუნებდა პატარა ტიტველა კაცუნები.

— ესენი ჩემი შვილებია, — უთხრა კაცმა ძაღლს, — გთხოვ შევიყვარო ისინი.

ბავშვები შემოეხვივნენ მამას კისერზე, კაცმა აიყვანა ისინი ხელოში და სიცილით ეუბნებოდა:

— აი, ბავშვებო, მე მოგიყვანეთ ძაღლი, ჩვენი ერთგული მოსამსახურე და მოამაგე. მოეფერეთ მას, აჭამეთ, არ აწყენინოთ.

— ჩვენ მოვეფერებით! — ყვიროდნენ პატარები, — ჩვენ შევიყვარებთ ძაღლს.

კაცი დაჯდა ბავშვებთან ერთად ფაცხის წინ, ხის ქვეშ. შავთმიანმა, შავთვალა ქალმა, რომელსაც დათვის ტყავის კაბა ეცვა, გამოუტანა მათ ჯამებით საჭმელი. ყველას თითო ჯამი დაუდგა, ერთიც საესე დადგა ძაღლის წინ.

— ჰამე! — უთხრა კაცმა აღერსიანად.

— შენ ჭკვიანი და კეთილიც ყოფილხარ; მე დაკიცავ შენ შვილებს მტრისაგან... მე შეგიყვარებთ თქვენ ყველას და არსად არ წავალ თქვენგან, — წარმოთქვა ძაღლმა, სიხარულით კული ათამაშა და სამუდამოდ დარჩა კაცთან.

## ნუნუ თარხნიშვილი

# ნ ა ძ ვ ი ს ხ ე

შეხეთ, მწვანე ნაძვის ხე ჩვენთან სტუმრად მოსულა და ჩვენ გასახარებლად საგანგებოდ მოართულა.

ჰშვენის თოვლი ტოტებზე, ციმციმებენ მძივები, ათასფერად ელავენ ელნათურას სხივები.

ამ ტოტს ვაშლი ჰკიდია, იმ ტოტს ხილის კალათა,

აგერ იქით ყურცქვიტი იყურება მხდალად.

მალე წრეში ჩავებათ გია, ლელი, სანათა, გოული და მარინე, არ ჩამორჩეთ ამათა.

დაუუაროთ ფერხული ცეკვით, მღერით, თამაშით, გავაყროთ კედლები სახეიმო განგაშით.

ლავოთ შაბათაჲ




# ხალხის საყვარელი პოეტო

სამოცი წელი შესრულდა დიდი რუსი პოეტი ნეკრასოვის გარდაცვალებიდან. იგი იყო ხალხის საყვარელი პოეტი, მაშინდელი საზოგადოების დაბალი ფენების ხელის მესაიდუმლე. გამარჯვებული სოციალიზმის ქვეყნის ბედნიერი ხალხი სიყვარულით იგონებს ამ დიდ პოეტს.

ნიკოლოზ ალექსანდრეს ძე ნეკრასოვი დაიბადა 1821 წ. 4 დეკემბერს დაბა იუზინაში, ყოფილ კამენეც-პოდოლსკის გუბერნიაში. ის იყო აზნაურის შვილი, რომელიც მალე გაემიჯნა საკუთარ წრეს. ბავშვობიდანვე ხედავდა, თუ როგორ შევიწროვებს განიცდიდა გლეხობა მემამულეებისა და ჩინოვნიკებისაგან. 1832 წელს ნ. ნეკრასოვი შეიყვანეს იაროსლიაის გიმნაზიაში, მაგრამ მცხუთე კლასიდან გამოირიცხეს, როგორც მაშინდელი ბიუროკრატიული სკოლისათვის შეუფერებელი მოწაფე.

1838 წელს მამამ ნეკრასოვი პეტერბურგის სამხედრო სკოლაში გაგზავნა სწავლის გასაგრძელებლად, მაგრამ რადგან მას არ აინტერესებდა სამხედრო პირად გახდომა, ის შევიდა პეტერბურგის უნივერსიტეტში თავისუფალ მსმენელად.



შვილის ჯიუტობამ გააჯავრა მკაცრი მამა და შეუწყვიტა მას ნივთიერი დახმარების მიწოდება. ნეკრასოვი იძულებული შეიქნა თავისი შრომით ერჩინა თავი, ის დაუახლოვდა მაშინდელი პეტერბურგის ლაირბ ფენებს და მალე დაანება თავი უნივერსიტეტს.

1840 წელს ნეკრასოვმა გამოსცა თავისი ლექსების პირველი წიგნი და მალე მეტად სახელგანთქმული პოეტი გახდა.

მისი მკითხველები იყვნენ ქალაქის ღარიბი ფენები და გლეხობა, რომელთაც ცხოვრებას აგვიწერდა პოეტი თავის ლექსებსა და პოემებში. ამიტომ უყვარდა ნეკრასოვი ამხ. ლენინს და ძლიერ აფასებდა მას.

ნეკრასოვი თავის ლექსებსა და პოემებში აგვიწერს, თუ როგორ იტანჯებოდა მაშინდელი ხალხი ბატონყმურ და თვითმპყრობელურ რუსეთში. მას მეტად ბევრი მკითხველი და დამფასებელი ჰყავდა. 1878 წელს, როცა პოეტი გარდაიცვალა, დასაფლავებაზე სიტყვა წარმოთქვა ცნობილმა რუსმა მწერალმა თედორე დოსტოვესკიმ და შეადარა ნეკრასოვი დიდ რუს პოეტს ალექსანდრე პუშკინს. ამ დროს საზოგადოებიდან გაისმა ხმა: ნეკრასოვი პუშკინზე უფრო მაღლა დგასო. აქედან ჩანს, თუ როგორ აფასებდა საზოგადოება ნეკრასოვს. იგი მეტად საყვარელი იყო მშრომელი ფენებისათვის.

ნეკრასოვი ყველა თავის თხზულებაში აგვიწერს ქალაქის დაბალი ფენებისა და გლეხობის მდგომარეობას. ამ მხრით აღსანიშნავია ლექსები: „დავიწყებული სოფელი“, „ფიქრები საპარადო შესავლის წინ“, „რკინის გზა“, „თავისუფლება“ და სხვა, აგრეთვე პოემები: „ყინვა წითელცხვირა“ „ვინ ცხოვრობს რუსეთში კარგად“ და სხვა.

ამ ლექსებსა და პოემებში პოეტი გვიხატავს მემამულეებისა და თვითმპყრობელური მთავრობის ჩინოვნიკების მიერ დაბეჩავებულთა მდგომარეობას, აი როგორ მიმართავს ის მდინარე ვოლგას:

„ო“ ვოლგავ! ვოლგავ! მრავალწლიან გაზაფხულისას

ისე არ აესებ ნიაღვრით შენ ველს და  
როგორც უდიდეს მწუხარებით ხალხის  
გულისა  
ავსებულთა წამებული ჩვენი ქვეყანა“.

მართალია პოეტი, მაშინ მძიმე და აუტანელი იყო ცხოვრება რუსეთში, მწუხარებით იყო ავსებული ხალხის გული, მეფის მათრახისა და ჩექმის ქვეშ გმინავდა მშრომელი ხალხი, და ეს ყოველივე მშვენივრად დაგვიხატა პოეტმა თავის შემოქმედებაში.

ამასთან ერთად ნეკრასოვი იყო დაუღალავი საზოგადო მოღვაწე, მისი რედაქტორობით გამოდიოდა ჟურნ. „სოვრემენიკი“, რომელშიაც მონაწილეობდნენ გამოჩენილი რუსი მწერლები: გრიგოროვიჩი, ტურგენევი, ლევ ტოლსტოი, ჩერნიშევსკი, დობროლუბოვი, ბელინსკი და სხვა.

ნ. ნეკრასოვი თარგმნილია მრავალ ენაზე, თარგმნილია მისი ბევრი ლექსი და პოემა ქართულადაც. პოეტი მუდამ ეტრფოდა თავისუფლებას, უყვარდა ხალხი, ამიტომ მას ხალხის სამსახური მიაჩნდა პოეტის უმაღლეს დანიშნულებად ის ერთ-ერთ თავის ლექსში ამბობს:

„თავისუფლება, ძმობა, ერთობა  
გოყვარდეს მუდამ, შესწირე თავი  
იმათ სამსახურს და ერთგულებას,—  
ვინ ჰპოებს უფრო ბრწყინვალე  
გვირგვინს,

ან უფრო ღამაზ დანიშნულებას!“

დღეს ბედნიერი სოციალიზმის ქვეყნის მშრომელი მასები ღირსეულად აფასებენ და სწავლობენ დიდი რუსი პოეტის მდიდარ მხატვრულ მემკვიდრეობას.



## რუსთაველისადმი

ბაღის გულელებში სცოცხლობდი და მარად იცოცხლებ,  
შენს ღიად სახელს უკვდავების უუქი პუნქია,  
უმღერე ძმობას, სიყვარულსა და სიმაჰაცეს,  
გვათბობს და გვალხენს მოგიზვიზე შენი გენია.

— : —

აუტაცებელი მე ვიყვები სიამის გრძნობით  
და უმაღლესი სიხარულით ზღვისებრ ღელდება,  
როდესაც ხშირად შენი წიგნის ოქროს სტროფები,  
დიდო მგოსანო, ჩვენს წინაშე ამეტყველებდა.

— : —

დიდხანს მდუმარე, მოხიბლული, გატაცებული,  
ოცნების გემით გავსცილდები ქვეყნის ნაპირებს,  
შორით ვუცქერი ცათ აზიდულ ქაჯეთის ცისებს  
და დარეჯანის დასახსნელად მიშავალ გმირებს.

— : —

ნეტავ შეგეძლოს გადმოხედო სამშობლო მხარეს,  
სადაც ამჟამად სუფევს შვება და ნეტარება,  
სადაც მიღამოს გაზაფხულის ელფერი აძევს,  
სადაც გაისმის ბრძენ ბელადის ქება-დიდება!

მე-10 კლ. მოწ. ვანო კირაკოზიანი

## ნ ა ძ ვ ი ს ხ ე ს

ნაძვის ხეო, საყვარელო,  
იცი, როგორ მოგელოდი?  
ამდენ ხანს რომ არ მოგართევი.  
აღბათ, მიტომ მეძღუროდი.  
ეხლა შეხე შენ ტოტებსა,  
თა ამშვენებს თეთრი ღერი.

ათასგვარი სათამაშო,  
ზედ სანთლები მრავალფერი.  
დღეს საამურ ცხოვრებაში  
მშრომელების შეიღების ხარ,  
ძია სტალინს ვენაცვალე,  
სამუდამოდ რომ ჩენი ხარ.

18 სკ. II კლ. თრიალოსანი მოწ. მადეია კანდელაკი





1. სოლოლაშვილი ნინა (ტფ. მე-36საშ. სკ. II კლ. მოწ.), 2. მენაღრაშვილი (ტფ. მე-25 საშ. სკ. III კლ. მოწ.), 3. ბაძრასვილი მადეა (ტფ. 21 საშ. სკ. III კლ. მოწ.), 4. მუსხელიშვილი დათუნა (ტფ. 18 საშ. სკ. II კლ. მოწ.), 5. ხუნდაძე ნუნო (ტფ. 16 საშ. სკ. III კლ. მოწ.), 6. კანდელიანი მირია (ტფ. 18 საშ. სკ. II კლ. მოწ.), 7. მაჭავარიანი ზენკო (ტფ. 27 საშ. სკ. III კლ. მოწ.), 8. გოსბეიო. (ტფ. 2 საშ. სკ. III კლ. მოწ.), 9. კვიციანი ნათელა (ტფ. 7 საშ. სკ. II კლ. მოწ.), 10. თვაური ნათელა (ტფ. 20 საშ. სკ. II კლ. მოწ.).